



江蘇省地方志編纂委員會辦公室 編

江蘇歷代方志全書

83



江蘇省地方志編纂委員會辦公室編



鳳凰出版社

江蘇歷代方志全書

83

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. — 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253. 25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200. 00圓(全九十九冊)
(本書凡印裝錯誤可向承印廠調換, 電話: 0514-87969255)

弘治崑山縣志(二)

(明) 顧潛纂



第八十三册目錄

弘治崑山縣志（二） 〇〇一

崑山縣志卷八

文林郎監察御史邑人顧潛編輯

封建

吳

婁侯張昭

陸遜
今縣東北有婁縣村

唐

吳國公蔚遲敬德
今縣北有蔚遲村

宋

崑山縣開國子范之柔

崑山縣開國男衛涇

鄭準

鄭竦

顏度

吳郡開國侯范成大
今縣東南有石湖書院

名臣

唐

張鎰字季權一字公度
國子祭酒後胤五世孫

也父齊丘朔方節度使鎡以蔭授左衛兵曹
叅軍郭子儀表為元帥判官累遷殿中侍御
史乾元初華元令盧樸得罪鎡按驗樸當免
官有司承風以死論鎡不直之乃白母曰默
則負官言則為太夫人憂敢問所安母曰兒
毋累於道吾所安遂執正其罪樸得流鎡貶
撫州司戶叅軍徙晉陵令江西觀察使張鎬
表為判官遷屯田員外郎居母喪以孝聞大
曆初出為濠州刺史政條清簡延經術士講

教生徒比去州升明經者四十人李靈耀反
于汲鎰團閱鄉兵嚴緊有詔褒美時有司條
天下牧守課績惟信州蕭定常州蕭復及鎰
為理行第一十二年以最遷壽州十四年去
官民為立石頌德歷江西河中觀察使不閱
旬改汴滑節度使建中二年拜中書侍郎同
平章事郭子儀壻太僕卿趙縱為奴告下御
史劾治而奴留內侍省鎰奏奴不可告主悖
慢成風漸不可長明年以兩河用兵鎰奏減

堂殮錢及百官廩俸三分之一以助用度盧杞
忌鎰剛直欲擠之時朱泚以盧龍卒戍鳳翔
帝擇人以代杞曰鳳翔將班秩素高非宰相
信臣不可鎮撫帝顧鎰曰文武兼資內外重
望無易卿者乃以為鳳翔節度使帝幸奉天
鎰罄家貲將自獻行在營將李楚琳嘗事朱
泚夜率其黨作亂遂遇害詔贈太子太傅太
中初圖形凌煙閣鎰所撰有五經微旨十四
卷孟子音義三卷史臣曰鎰暴忠王室為奸

賊所乘以沒其身躬可殞而名與岱嵩等矣

校

宋

龔識字默甫給事中慎儀之子登端拱進士第
祥符間翰林學士李宗諤薦擢監察御史殿
中侍御史兼左巡使本朝龔唐制御史不專
言職至是始擇學術醇正操履端方可紀綱
朝廷者俾入臺言事識始被選宋朝吳士登
科者始於識今府學先達題名以識為首識

之後徙居黃姑猶藏其登科時金花榜貼子
邨亶字正夫崑山太倉農家子自幼知讀書識
度不凡嘉祐二年進士初授睦州團練推官
知杭州於潛縣未赴熙寧三年會詔天下陳
理財省費興利除害之策亶自廣東安撫司
機宜文字為書陳蘇州水利丞相王安石善
之五年授司農寺丞提舉興修兩浙水利民
不為便遂罷歸治所居之西水田曰大泗瀼
者如所陳之說為圩岸溝澮場圃俱用井田

之制歲入甚厚圖狀以獻且以明前法非苟
然者復為司農寺簿遷丞預修本寺制式頗
號完密除江東轉運判官元祐初入為大府
丞出知溫州以比部郎中召至卒年六十有
六有吳門水利書四卷行于世亶子僑見隱
逸

王祿字彥光祖申以學行推于鄉王荊公奉詔
視水利至縣首上謁焉父億樂道好善贈右
中散大夫祿幼有志識弱冠通諸經縣人

孫載後甲子一周葆始上進士第鄉邑榮之
紹興改元上疏陳十弊皆深中時病末以儲
嗣為請語猶切直至謂仁宗時中外無事海
宇晏然而范鎮等為國遠計汲汲在此況當
今日國步多艱人心易連強虜未靖群盜陸
梁天下之勢危若綴旒而甲觀之崇未聞流
慶中外惴恐此為甚急臣願陛下為宗社無
疆之計廣求宗室中仁明孝友時論所歸者
歷試諸事以繫人心執政讀而竒之遂自麗

水簿遷知宜興縣兩淮用兵浙亦盜起邑當
孔道察吏懼乏軍興相次駭竄葆白父母食
君祿無受死理弟可終養毋以葆為念也明
日取丞簿印兼佩之諸將妄求輒面折力拒
乃稍稍自戢歷監登聞檢院宗正寺丞遷司
封郎官兼國子司業秦檜嘗語葆曰檜欲告
老如何葆曰此事不當問葆檜曰他人不敢
言以公有直氣故問爾葆曰果欲告老不問
親讎擇可任國家之事者使居相位誠天下

生民之福檜默默當時百司莫敢可否事葆
為考功御史獨伸滯直枉當官不避天子議
置相人懷向背葆獨介然持正論出知廣德
軍移守漢州綏善鉏姦境內大治蜀人謠云
廣漢南隆關清疆天子嘉之擢瀘南安撫使
知瀘州引用名士劾去貪殘吏數輩然後鎮
以無事逾年遷池州孝宗召為大理少卿以
疾辭道改浙東提點刑獄屢行帥事疾惡彌
厲權要皆不樂乃請祠歸宜興以桐鄉之愛

遂終老焉官至左朝請大夫葆學行俱至潛
心古道教誘後生如親子弟沙隨程迥嘗受
經學於葆出其門者後多成立號稱鄉先生
其學深於春秋著集傳十五卷備論二卷東
宮講議三卷行於世葆於人物監裁尤精丞
相周必大初中第葆妻以女侍御史李衡布
衣流落一見亦以女弟歸之參政范成大蚤
孤廢業葆喻勉切至加以詰責留之席下程
課甚嚴三人者後竟為名臣世服其知人第